

Chhuah fan : October 1984

RAMTHAR

FEBRUARY



2024



Lunghum phum ni: Ni 15 March, 2020
Phumtu: Rev. Lalrokima Ralte, Bialtu Pastor
Biak In hawn ni: Ni 19 November, 2023
Hawngtu: Rev. R.Lalthapuaia Field Secretary

Silonijan Kohhranah hian Dàn Zawhkim 192, Member zawng zawng
295 awmin, In 60 a awm. Kohhranhote hi Karbi hnam an ni.

SERMON

Engkimah fimkhur la

Phêk

6 - 9

EDITORIAL BOARD 2022 - 2024

<i>Editor</i>	Rev. Thangzauva	RAMTHAR
<i>Joint Editors</i>	Upa Lal̄hahluna Ralte Upa Zoramthanga	BIAK PAWHNA
<i>News Editor</i>	Pi Ruth Lalhmangaihi	8974694225
<i>Circulation Manager</i>	Pu Lallawmnakima Hmar	
<i>Publisher</i>	Rev. R. Lalhmingsanga	Office hun chhúngin biak ni thei se.
Member-te		
Rev. R. Vanlalngbaka	Synod Moderator	Hun dangah chuan Call lovin Message hmanga biak ni thei se
Rev. P.B. Mankima	Synod Secretary (Sr.)	
Rev. Dr. K. Lallawmzuala	Executive Secy., i/c Mission	
Upa Lalramliana	BEC Member	
Upa H. Zoramthanga	BEC Member	

Thu chhuah t̄ur nei chuan h̄ngah̄te hian a thawn theih e:

1. Editor/Cir. Manager, Ramthar Chanchinbu,
Synod Office, Aizawl, Mizoram - 796001
2. Email: ramtharchanchinbu@gmail.com
3. Whatsapp: 8974694225

Ramthar Chanchin bua thu chhuah hi a ziaktu mawhphurhna a ni.

SYNOD MISSION BOARD HOTUTE

Rev. Dr. K. Lallawmzuala	Executive Secretary
Rev. R. Lalhmingsanga	Secretary
Upa Lal̄hahluna Ralte	Coordinator

KUM KHAT LĀK MAN - ₹ 60/-

A CHHÚNGA THU AWMTE

- | | |
|--|-------|
| 1. Editor thukhawcháng | 1 |
| 2. Keimahni | 2-3 |
| 3. Ringthar Chanchin Ngaihnawm | 4-5 |
| 4. Sermon | 6-9 |
| 5. BUH HMUN AṬANGIN: | 9-26 |
| (1) Cambodia rama Synod rawngbàwl̄na | |
| (2) Lalpa Kut - Tidamtu Kut chu | |
| (3) Bhubaneswar-a Presbyterian Kohhran a ding | |
| (4) Andharcherra-a ringtute t̄an i ṭawgṭai ang u | |
| 6. Missionary-te tâna Ramthar (2023) latute | 21 |
| 7. Ramthar Feh | 27-32 |

THUTIAM HLEN



Rev. Thangzauva

Pathian chu a thutiam kawnga rinawm (Heb.10:23), muangchang lo (2 Pet 3:9), amah ringtute hnêna chatuan nunna tiamtu a ni (1 Jn 2:25). A thutiam ang ngeiin Solomona hnenah finna a pe (1 Lalte 5:12). Thlêmna tuar hrâm hrâma hnehtu hnênah nunna lallukhum a la pe ang (Jak 1:12).

Sam ziaktu chuan, *“Ka thutiamte chu Lalpa lakah ka hlen ang. A ni, a mite zawng zawng hmaah chuan,”* a ti a (Sam 116:14). Thuhritu chuan, *“Thu tiana hlen si loh ai chuan tiam loh law law i tán a tha zâwk,”* a ti (Thuh 5:15). Jephtha chuan indonaa hnehtu a nih chuan amah hmuaktu hmasa ber chu halral thilhlan atán hlan a tiam a, a tiam ang ngeiin ‘a fanu’ a hlân (Ro 11:30-31,39). Pathian tâna thil hlan tiamtu chuan ama tâ ngei a hlân tùr a ni a; ran zînga piang hmasa ber chu a hlân tùr a ni lo - Pathian tâ sa a ni (Lev 27:26-29).

Malakia chuan Pathian hnêna thu tiana, thil hmelhem hlântute chu na takin a dem (Mal 1:14). Thuthlung Tharah thutiam chungcháng dik lo taka kalpui thu kan hmu. Miin a nu leh paten an chhawrna tùr ‘Korban’ a tih chuan a nu leh pa lakah eng mah tih thiàng tawh lo angah a ngai a (Mk 7:6-13; Mt 15:5). Hei hi Lal Isuan a duh lo hle a, Pathian thu bawh bona ang hialah a ngai.

Nu leh paten kan fate an lo sei lena, an lo puitlin thlenga kan Lalpa Isua Krista rinna leh a thu zirtír tùra Baptisma chantír nia kan thutiam te; puitling baptisma changten dam chhúnga a nuam leh hrehawmah pawh kan Lal Isua phat lova zui kan intiamna te, dàn zawhkima lawm luh nih ùma nu leh paten baptisma min hlan laia kan laka an thutiam kan kova kan nghah te; Pathian Kohhran thu kawng engkima zàwm tùra kan thutiam te; Sakramen leh Pathian biak inkhâwm ngai pawimawh tura kan intiamna te; Inneih nia dam dun chhúnga innei tùra kan thutiam te; Lalpa leh Kohhranho hmaa kan thutiamte hi hlen ngei ila - Pathian leh mi dang lakah te leh mahni ngei lakah pawh rinawm ila chuan nasa takin hma kan sâwn ngei ang.



KEIMAHNI**† TUARPUINA:**

1) “Upa Zachhunga (82), Pi Lalparmawii, Evangelist, Bande (Patna Mission Field) pa ni 25.12.2023 khán Thaw-hah vângin a thi.

2) Upa Thangthuama (92), East Lungdar, Rev Darrema Hlawndo i/c Aizawl North (Masihi Sangati) pa chu Zunthlum leh Heart Attack vângin ni 27.12.2023 khán a thi.

3) Pu K. Lalchhuanawma (60), Leader, Gorkha Gospel Team (Masihi Sangati) chu ni 30.12.2023 khán Cancer vângin a thi (A chanchin - phêk 31&32-ah).

4) Pu Zionghaka (60), Kanhmun, Pu Lalbiakzuala, Evangelist Teacher, Winchester (Cachar Tlangram) pa chu ni 3.1.2024 khan Cancer vângin a thi.

5) Pi Lalthazo, Churachandpur, Pu PS Thanga, Evangelist, Baihata Chariali (Assam Mission Field) nu chu ni 7.1.2024 khán Cancer vângin a thi.

6) John Lalvenpuia (4), Samthang, Pu Hrilthantluanga (Missionary lâk thar, tâna Mission Orientaion nei mek, Sl. No. 11) fapa chu ni 15.1.2024 khán Thlîng ro vângin a thi.

Ramthar Editorial Board-in lusún chhúngte a tuarpui tak zet a ni. Pathianin awmpuiin thlamuan rawh se.

† PROJECT LIST A LAM THEIH E: Synod Mission Board hnuiaia Field hrang hrang mamawh tàr lanna (Project List 2024) hi Synod Mission Board Pisapuiah a lam theih e. Project List-a mamawh hrang hrang tàr lante hi Budget-a tel lo, rawngbàwlnaa mamawh site an ni a.

A soft copy (*pdf*) duh kan awm chuan hêng number-ah te hian Whatsapp hmangin (*Call lovin*) a dîl theih e.

9856856464 & 8974694225

† **MISSIONARY LÂK THARTE:** Synod Service Board-in SMB
hnuaiá Missionary atána a lâk tharte:

S/N	Hming	Permanent Address	Field	Hna
1.	Vincent Laldinthara	Lunglei Luangmual	Patna	Evan
2.	R. Lalbiakvela	Vanzau	HM N	Evan
3.	Lalrinnungi	Bungzung	HMS	ET
4.	P.C. Lalbiakmawia	Chhinga Veng East	Tripura	Evan
5.	Jessica Lalhruaizeli	Tlangnuam South	HMS	ET
6.	Zairemmawii	Dawrpui Vengthar 'W'	HM N	ET
7.	Lalremtluangi	Mission Vengthlang	AAMFE	ET
8.	C.Z. Lalngaihsaki	Kolasib Project Veng	Delhi	Evan
9.	K. Hringthanpuia	Hunthar Veng	HMS	ET
10.	Jedidi Zothantluangi	Chhippui	HM N	ET
11.	Hrilthantluanga	Samthang	HMS	ET
12.	R. Lalrinhlui	Saron Veng	HMS	ET
13.	Lalthangpuii	Chawngtui East	HM N	Evan
14.	Vanlalnunfela	Chanmari West	HMS	ET
15.	Zothanpuii	Bethlehem Vengthlang	HM N	ET
16.	K. Lalruattluangi	Darlawn Venghlun	Karbi	ET
17.	Vanlaldingliana Tlau	Ramhlun South	HMS	ET
18.	Lalthianghlima	Kolasib Vengthar	Tripura	Evan
19.	Rodingpuii	Hualngohmun	HM N	Evan
20.	Lawmnasangzuali	Republic Veng	Karbi	ET
21.	Emmanuel Lalthlamuanpuia	Armed Veng South	HMS	ET
22.	H. Ramdinsangi	Bualpui	Assam	CT
23.	K. Lalbiaksanga	E. Lungdar	HM N	ET
24.	Miriam Lalmuanawmi	Vaivakawn	Karbi	ET
25.	N. Lalhmangaihropuii	Bungtlang South	HMS	Evan
26.	Ruthi Ngaibiakhawihhi	Teikhang	HMS	Evan
27.	Esther Laldinggheti	Hmunṭha	HMS	Evan
28.	Lalngaihsaki	Muanna Veng	Barak	Evan
29.	Lalrinfeli	Bungkawn H/S Veng	Karbi	ET
30.	Lalnunkimi	Khawbung	Jharkhand	Evan
31.	Vanlalthlanawma	Bungkawn Vengthar	Jharkhand	Evan
32.	Jessica Lalnunhlui	Bhairabkunda, Assam	Barak	ET

Ni 18.2.2024 (Pathianni) chawhnu dár 1:30 hian Leitan Kohhran Biak Inah Tirh Chhuah Inkhâwm neih tùr a ni a. February 2024 chhúnga an awmna hmun thleng tùra beisei an ni.

RINGTHAR CHANCHIN NGAIHNAWM

*Tek Bahadur Rai
Deep Jyoti, Nepal*



A hmasa berin Pathian hnênah làwm thu ka sawi a ni. Ka nuna Pathian hnathawh, thil mak tak tak ka tawh chungcháng sawi chhuahna hun ÷ha ka nei thei hi ka làwm hle a ni.

Ka hming chu Tek Bahadur Rai a ni a, kum 1970 khán Bhojpur District Thingtlang khaw pakhtah ka piang a. Tûna kan awmna Deep Jyoti, Jhapa District-ah hian lo pém thlain kum 10 vêl kan awm ve leh ta a ni. Nupui neiin, Pathian malsàwmnain fapa pali leh fanu pathum kan nei a. Rai hnam kan nih angin Rai hnam sakhua (Kirat) zuitu kan ni a, zú pawh ka in ve fo ÷hìn.

Kan chhúngkua chu damlohna leh hrisel lohnain min tlâkbuak reng avàngin ka nupui hi Lal Isuaah beiseina neiin Biak Inah a inkhâwm fo ÷hìn a. Ka thinrim êm êm mai ÷hìn. Kum 2022 April thla khán ka fanu naupang ber chu thih ngamin a ná a. Kan theih tâwpa kan enkawl hnu pawhin ÷hat lam a pan thei chuang lo va. Ka nupui chuan Biak Inah a hruai a, a hruai hnu lawk chuan a dam ta mai a. Tichuan, kei pawhin chumi aṅanga kár thum hnuah Biak Ina inkhâwm zai ka rél ve ta a ni.

Kum 2022 October ni 12 a ni a. Ni danga kan hnathawh ÷hìn ang thovin Thingpui huanah thingpui hnah sikin kan inhlawhfà a. Kan hna kan zawh chuan ka thawhpuiho chu an haw tlang mai a, chutih lai chuan ruah a súr ṅan ve bawk a. Ka iptê ka dahna a hlat avàngin iptê la tûrin ka kal a, ka lêt leh lamah chuan mak tak maiin ÷êk tlain min deng fu hlauh mai a, nikhaw hre lovin ka tlu dêr mai.

Nikhaw hre lo chuan darkár hnih aia tam mah ka awm niin ka hria. Nikhaw hre lova ka awm lai chuan Lal Isua ka bula dingin ka hmu a. Tichuan, thil hriatna ka nei chho leh a, “*Min ãanpui r’u, min ãanpui r’u,*” tiin ka au vak vak mai a. Ka mit pawh ka meng thei chhunzawm a. Ka taksa ka en chuan thawmhaw ka lo ha tawh lo a, ka kawnggrèn chu a lo bung sawm rum mai a; ka taksa pawh sa rêp ang maia awmin a rim chhe êm êm mai a ni.

Tichuan, theih tâwpin ka au va, ka ding thei bawk si lo. Ka kut phar chhuakin khùr dur dur chungin thei leh thei lovin ka au leh a. Tichuan putar pakhat hian ka au ri hriain, mi dang rawn hruaiin, min pui tùr chuan an lo kal khâwm hlawm a. Ka chhúngte pawh nghâk hman lovin damdawi in min panpui nghâl a. Damdawi inah kan inenkawl chho ta a ni. Ka taksa kàng ná chu a dam nán hun rei tak a mamawh a ni.

Ṭêkin min den lai khán Lal Isuan min ãanpui a ni tih ka hre Chiang êm êm a. Ṭêkin min denna hmuna thingpui kung zawng zawng a thi fai vek mai. Pathian kutin min chelh tlat avàngin ka thi lo chauh niin ka hria. Tûnah chuan a hma ai chuan ka ãa viau tawh a ni.

Lal Isua hnênah làwm thu ka sawi a. Tûnah chuan kei leh ka chhúngkua zawng zawngin Lal Isua hi Lal leh chhandamtua pawmin Pastor kutah Baptisma kan chang vek tawh a, ka hlim êm êm mai bawk a ni. Pathianin keimah leh ka chhúngkaw chung a hnathawh hi ka sawi chhuak vek thiam lo. Nikhaw hre lova ka awm laia ka hmuh Isua kha hmuh leh ka châk thu ka nupui bulah ka sawi fo ãhìn. Lal Isua chu a awm tak tak a, tûnah chuan kei leh ka chhúngkua chu kan hlimin kan thla a muang êm êm a ni.

[Mizo ãawnga lettu hi Pu R. Lalãanpuia, Missionary niin, tûnah hian Nepal Mission Field-ah Presbytery OA a ni. A mobile number chu +977-9816971380 a ni. - *Editor*]



SERMON ENGKIMAH FIMKHUR LA

Chhiar tùr: 2 Timotea 4:5

*F. Zonunsanga,
Evangelist, Siliguri Fiel
Mobile No: 8732892298*



He Bible cháng lâi tak hi mi hrang hrang sawi te, ziaktu hrang hrang zia te chhiarin kan ngaihlâ tawh ðhìnin a rinawm. Paulan Timothea hnêna fuihna thuchah pawimawh tak a sawi kha a ni tih kan hre thei àwm e. Paula hian a nau hi kawng hrang hrangah rawngbáwlto pawimawh tak a nihzia hre reng tùrin a duh a. Fimkhur tak leh nunze ðha tinréng nêna he Chanchin Ðha hi huaisen taka dinpui ngama, a tàwp thlenga tawrh a ðûl pawha tuar ngama, chàna a ðûl pawha chán ngam tùra a fuihna a nih avàngin tân thlengin ringtu tin leh rawngbáwlto hrang hrang tán pawha ni tin kan infuihna atána pawimawh tak a la ni reng a ni. Tân lai khawvêl boruak hrang hrang han en ila. Indo thuthang hlir maiin chanchin phêk tin a luah tih mai tùr a ni a. Hetih lai hian keini ringtute hi eng tianga lo inbuatsaih ve hi nge ðha ang tih te ngaihtuah chungin he thu hi kan buatsaih ve a ni.

Pathian thu thiam leh hria leh zir kan tam a; a âwih dik thiam leh hmang ngam erawh kan tam lo hle. Ringtu inti si, kan rinawm loh dàn hrang hrang sawi tùr a tam mai. Isua nun ðâwm lo, sakhaw mi pawh Kohhran tinah hian kan kat nuk tawh hlawm a. Rawngbáwlto inpe aiin rawngbáwlto langsàr kan tam tual tual a. Thu dik sawia

chàn ai chuan daw hleka him theihna kawng zawngtu pawh kan pung tual tual. Kohhran hrang hrangte hian thlarau lam thil aiin a behbàwm leh a chhep-chher lam kan ngaihlâ tual tual a. ‘Chanchin Ðha kan ti-variety lutuk hian mi tam zâwk a ùm bo ta nge ni ang a, mi hla kan tihte hi a hnawt thui tial tial zâwk?’ tih hi Kohhran leh rawngbáwlto tin

ten kan ngaihtuah nawn leh ÷heuh a pawimawh mang e.

Hmânlai (ti ve khanglang ila) chuan rawngbáwltu hrang hrangte hi ruih theih thil ching mi leh inkhâwm ngai lote hian khawloidunga tawh te hi an hreh ngawih ngawih a; chhúngkuaah leh mi malin damlohna leh harsatna an tawh laia an rilrua lo lang hmasa ber chu *'Rawngbáwltu Ṭawngṭaina'* a ni ÷hìn. Tûnah erawh hêng hi a bo zo ta. *'Kan thlan chhuahate ngei kan zah zo tawh lo va, ṭawngṭai tùrin kan ring tâwk tawh lo emaw ni chu aw?'* a tih theih. Eng nge a chhan ni ta ang? A inpete thlang lova, a langsàr leh thil ti thei te kan thlan tâk avàng hian a hunah kan zah tawh lo va, min ṭawngṭaisak tùrin kan ring tâwk zo tawh lo a ni berin a lang ta. Chu mai a la ni lo, ringtu leh Biak In tamna ber ni si, hri hlau uchuak ber leh hlau rei ber kan nihna ringawt pawh kha sawi tùr a tam mai.

Aw le, kan Bible cháng tàr lan aṭang khian han

ngaihtuah zui ila. *'Nang erawh chu engkimah fimkhur la,'* tih hi fimkhur séng lo rawngbáwltu a awm theih vàng a ni ber. *'Hrehawm tuar la,'* tih hian hrehawm tawrh hlau leh harsatna bîkbosan ÷hìn leh, mi dang harsatna tâwk mékte hêl ÷hìn an awm a nih ve ngei a rinawm.

'Chanchin Ṭha hriltu lam hna thawk la...' Kan ni tin hnathawh leh eizawwna hi kan Chanchin Ṭha hrilna pakhat, kan *platform* ve a nih pawma, Krista rilru pu chung a ei kan zawna, kan thawh hi Chanchin Ṭha hrilna a ni. Kawng engkima hlâwk vek tum ringawt rilru hi ringtu piansualna chi khat a nih hriat a ṭha.

'I rawngbàwlina kha hlen rawh,' a ti. Peih chin hi kan hlen tlángpui ÷hìn a; mahse, kan Bible zirtirna erawh a ni lo. Ni tina kan rawngbàwlina hmunah hian kan tih tùr kan hlen ÷heuh em? Rinawmna leh diknain ka hlen em? *'Lalpa mit hmuhin a thianghlim ang em?'* tih ngaihtuah chung a

kan hlen a ngai tel tih ngaihtuaha rawngbáwl kan nih kan inhriat hi a pawimawhin a ùl a ni. Eng hna pawh thawk ila, kan hmaa lo tla leh chanpual rinawm taka kan thawh mai hian zahawmna leh huaisenna a keng a, chu chuan huaisenna min pein a hun takah zahawm leh koh theihin mi a siam lian mai a lo ni.

Rawngbáwl tu, sàwm leh koh hlawh tak an awm a; ùhengkhat erawh rawngbàwl na tùr dap reng an awm baw. A enga pawh chu ni sela, ringtu mi mal tinte kawng engkimah kan fimkhur a ngai ta. Kan thu hriat leh nun dànah fimkhur ila, rawngbáwl tute inen fiahin, min thlan chhan leh min thlangtu duh dàna koh theih leh zah phúa nunga, kan ni tin mamawh zawna kawngah min hmutu leh hretuten Isuaah kan awm tawh a ni tih an hriat theih nán ùan ila ang u khai. Ram pum huap leh véng chhúnga tûk tin Biak Ina kan ùawng ùaisak ùhinate hian khawlaiah min nélin an manganna thu thlen

nán min hmang ngam em? Min beisei ngam ang em? Kan ùawng ùaisakate hi Lalpa hnên thleng ngei se kan tih lai hian, kan taksa ngei pawh hian an awmna hmun a thlen ve hi a thiang a, chu rawngbàwl na hna hlen chhuak tùr chuan inbuatsaih tharin hma la ila. Nang leh i thu an lo hnarin an lo mamawh lo che pawh a ni thei e; i ùawng ùaina kha an dang thei ngai lo vang.

Pathian hmangaihna tak tak tel lova a thu puang chhuak ùhìn kan nihna hian ka rawngbàwl na a tibahlah fo. Biak Ina tui taka kan ùawng ùaisakte khawlai leh hmun dangah kan be ùa leh peih lo em? Inléng atán pawh kan duh lohte hnên thleng phâka rawng kan bàwla, kan tih tùr kan hlen a ngai tawh. Eng emaw hleka nghîng mai ùhìn ringtu hlauthâwng kan pung tual tual. Khawvêl lam thila Kohhran a changkàn viau laia, thlarau lama kan pachhe tual tual mai hian chhan a nei ngei tih kan hria. Siam ùa tùra mi dang beisei tlat ùhìn, mahni lam fimkhurna tùra

fimkhur si lo, 'Fim Kur' kan tam. A dik kan tih leh hmuh ngei pawh dinpui ngam lo khawpa dâwihzep kan pung tual tual bawk. Hrehawm kan tawrh peih loh avànga kan rawngbàwlsakaten an tawrh phahna tam taka awm. A hma hruaitu an him a, mipuiin an tawrh fo hi kal dân dik a ni thei dawn em ni?

Krismas lai khan Sipai hmun pui pakhatath thu sawina hun min pe a. Inkhâwm bàn tì tìnaah tûn lai Israel ram indo chanchin leh thil dang dang kan sawi a. Israel sipai chu a *rank* sáng an thih hmasak zêl dân leh kan ram sipaite nèn an inán lohna ka sawi a. An hotupa chuan, *"Keini chu British-ho min zirtír dân kha a ni a, kan la chhawm zêl alâwm! A hotuin thu kan pe a - kal tûr, kal rawh u, ti rawh u, tih hi kan than lenna a ni,"* a ti hlah.

Ka sawi chhan zâwk chu - hruaitu kan ni ngam a nih chuan kan tuar hmasa ngam dawn lâwm ni? Krista tel lo

pawha miin a tawrh theih chuan, Isua nèn chuan a aia thûk kan dai ngam dân lawm ni, *"Kal rawh u le,"* titu ni lova, *"I kal ang u le,"* tia, hmahruaitu huaisen leh rinawm fimkhur taka hma lam pan thìn ringtu kan nih a hun ta. Natnain chhúngkua leh mi mal a luhkhung a; kan pan hmasak tûr ni lo, kan damna tûr nia kan ngaih kan pan a. Chu chu kan natpui leh a, ringhlel chungin damna kan han puang leh a. Chu pawh kan natpui leh tho thìn.

Hrehawm tuar tûra kohten tawrh kan hlah tlat chuan, he Chanchin Ṭha rawngbàwl hna hi a takin kan hlen chhuakthei ngai lo vang. Sawi nun leh sawi rau viau tum pawh a ngai lo. A nung sa leh a rau sa hi a nihna angin dinpui ila, a takin hmang ngam bawk ila. Hmutu awm leh awm lohin awmzia a neih loh khawpa rinawmna nèn fimkhur taka hma lam pana, kan tih tûr theuhte kan hlen chhuahtheih nán Lalpan a thu malsàwm rawh se. Amen.

BUH HMUN AṬANGIN CAMBODIA RAMA SYNOD RAWNGBÀWLNA

Pastor Benjamin Lalrinmawia
Cambodia
Mobile No: +85510496463



A bul ṭan dàn leh rawngbáwtute: Cambodia-ah hian kum 2008 khán Synod Mission Board (SMB)-in Tentmaking missionary (mahni inchâwma Chanchin Ṭha hriltu) pahnih NI. Zairemtluangi Khiangte leh NI. Vanlalhruaii te a tír lût a. Phnom Penh khawpuiah school zirtírtu hna thawk chungin rawng an báwl a. Hemi kum vêk hian Cambodia rama missionary atána inpe leh thawk lai mék NI. Lalbiaksiami chuan SMB Tentmaker hna dílin SMB Tentmaker atán lâk a ni. Ani hian Bantey Manchev province-a Tuek Thla kuaah Orphanage Home a enkawl a. Naupang eng emaw zât enkawl puitlingin Kristianah a siam tawh a ni. Kum 2010-ah khán New Enterprises International (NEI) leh SMB partnership aṭangin SMB missionary thawk lai NI. R. Lalrinawmi chu tirh luh a ni ve leh a.

Tin, Mizoram Synod chuan Cambodia ramah pastor dah ṭhaa hriain (Synod 2011. Gen. 62) kum 2012-ah khán Pastor Sairengpuia Sailo te chhúngkua a tír lût ta bawk. Thawktu indah belh zêlin kum 2014, October thlaah NI. Lalremliani Sailo, SMB missionary dah belh leh a ni a.

Pastor term hi kum nga

a ni a. Kum 2018-ah Rev. Sairengpuia Sailo chu Rev. H.L. Thianghliman a thlâk a. Kum 2019-ah Dr. C. Lallawm-zuali chu Phnom Penh-a awm tûrin Synod-in a tîr a. Ani rual hian Siem Reap kuaa missionary hna thawk tûrin NI. Laltleipuii Tochhawng a thleng ve bawk. Kum 2020-ah NI. Laltleipuii Tochhawng hi NI. Rody Lalnunmawiiin a thlâk a. Kum 2023 aṭangin pastor

Rev. Benjamin Lalrinmawia chu bial vawng tûrin Synod-in a dah ve leh bawk a ni.

Sawrkara in-register thu: Synod Executive Committee (SEC 264:56; Nov. 9-11.2016) remtihnaa Cambodia sawrkar hnuaiiah Local NGO registration dilna chu Ministry of interior, Royal Government of Cambodia, Kingdom of Cambodia chuan February 2017-in registration a pe fel a. Executive Director atán Thavy Meas hman a ni a. NGO hming atán “Angka Pesakahkam Synod Samrap Kampuchia” (Synod Mission for Cambodia Organization) tih hman a ni.

Phnom Penh khawpuia rawngbàwlina: Cambodia-ah hian Kum 2012-a siam “Cambodia rama Rawngbàwl dàn tûr ruahhman. Ramthar Board 143:61 (BEC 536:21)” zúlzuiin hma lâk mék a ni.

1. *Evangelism:* Campaign leh crusade bâkah University zirlaite hnênah hun pui - Krismas leh Kum Thar

behchhanin Pathian thuchah kan sawi ðhin a. Mission páwl dang thawhpuite leh SMC evangelism lama hma lâkna avàngin ringthar eng emaw zâtin Baptisma an chang tawh.

2. *Thawh hona:* Kohhran/Mission dang leh SMC hi an thawk ho va. Kampot Christian Association nèn thawh hona ðha tak neih a ni. Phnom Penh United Pastor Fellowship (UPF) nen ðha taka thawh ho a ni bawk. UPF-in School of Discipleship (SOD) a lo kalpui ðhin nèn pawh MOU ziakin thawh hona neih a ni a. Tûnah phei chuan mobile School anga kalpuiin province panga - Phnom Penh, Kampong Cham, Ratanakiri, Mondulkiri leh Battambang-ahte SOD hi neih a ni ta. Cambodia rama Kristian hruaitute chherna kawngah rawngbàwlina ðangkai tak a ni.

Tualchhúng kohhran ðha tak, Church of Christ (tûna ‘Calvary Church of Christ’ ni ta) nèn thawh ho a ni a. He kohhran neitu Pastor Thavy

Meas chu mi fel tak leh rawngbàwlna kawnga mi inpe tak a ni a. Synod hnuaia thawktute nèn pawh inpawhna tha tak an nei a ni.

Thawktu thenkhatten Pathianni chawhma inkhâwm an neihpui a, Pastor-in kohhran enkawl hna a thawhpui bawk. Phnom Penh véng hmáwr lama awm Pu Soun Chandareth-a te chhùngkua (member 6) chu Ni 4. September, 2016-ah Presbyterian kohhranah an inpe a. Kohhran te reuh tê, Born Again Church an enkawl lai mék pawh Presbyterian kohhranah an luhpui a, House Church pahnih a awm ta a ni. Pathianni chawhmaah Cham Chao-ah inkhâwmna neih thin a ni a. Factory awm tamna véng a nih avàngin factory worker-te zing rawngbàwlna neih thin a ni. Chaom Chao véngah hian Synod-in in a luah a. Room 16 a awm a. Factory a hna thawkten an luah a ni. Hêng mite hnênah hian Pathian thu kan hrilh thin a. Ringtuah kum 2023 chhông khán mi 14 siam an ni.

3. Indirect Evangelism: Kum 2009 ațangin Dormitory rawngbàwlna kalpui a ni a. Dormitory hi Martha's Inn (Marthii In) tih a ni a. Thingtláng ațanga khawpuia University kal duh, awmna tûr in luah man nei lo te tán he Dormitory hi buatsaih a ni. Pathian thua kaihruiin music te zirtír thin an ni a. Dormitory-a awmte hi Baptisma chantír an ni nual tawh. He Dormitory behchhan hian House Church kalpui a ni a. Pathianni tlai apiangin Inkhâwmna neih thin a ni.

Siem Reap khaw lama rawngbàwlna: Ni 26.7.2006-a Cambodia rama lût, Siem Reap khuaa 2007 kum laihâwl ațanga rawngbàwlna nei tan NEI Asia (New Enterprise International) te nèn thawh hona neih thin a ni a. Anni hian NEI Bethany Kohhran dinin school hmanga rawngbàwl nate, ringlo tlawha Chanchin Tha hriltein rawng an bawl a ni. Kum 2019-ah khán Mizoram Synod hnênah an rawngbàwlna hlan an duh thu an thlen a. Synod-in tha

tiin 18.6.2019-ah inhlanna neih a ni. Mizoram aṭangin Rev. K. Lalrinmawia, Executive Secretary i/c Mission, Cambodia-ah a kal a. Ani hian he rawngbàwlna inhlannaah hian a hming a ziak a ni. Siem Reap rawngbàwlna hi missionary pakhat-in a enkawl a. Thla tin Pastor-in a tlawh ṭhìn. A ram mi thawktu (native worker) panga an awm baw. Kohhan hming hi tûnah chuan Bethany Presbyterian Church tih a ni tawh. Mumal taka kohhran phunna leh nakín zêlah pawh kohhran nghet tak ni tûra buatsaih chhoh a ni a. Kum 2023 chhûngin Baptisma chang 6 kan nei a. Sunday School zirlai buatsaih fel a ni tawh baw.

1. Zíng lam school (5.2.2011-a neih ṭan) Phum Thnal vénga mi leh Tlai lam school (21.4.2015-a neih ṭan) Krosang khuaa mite chu Synod Mission enkawl an ni a. A hma chuan hêng school-te hi NEI Asia ta a ni. Naupangte Sâp ṭawng zirtírin Pathian thu hrih ṭhìn an ni a. Inrinni tlai dár 6:00-ah zíng

lam school neihnaah naupang pual inkhâwm (Childrens Fellowship) neih ṭhìn a ni baw. Zíng lam school hi sawrkár lamin sawrkar school kal hun zíng lama a sawn hma avàngin kum 2024 aṭangin chawhnu lamah nei tawh ni se tiin kan rél.

2. Evangelism week (Pathian thu hrila vah chhuah kár) neih ṭhìn a ni a. Missionary leh a ram mi thawktuten ringlo mite in tlawhin Pathian thu an hrih ṭhìn.

3. Pathiannah Missionary quarters bula Biak Inah kohhran inkhâwm neih ṭhìn a ni. Ringlote pawh an rawn inkhâwm ve ṭhìn.

4. Ningani zíng apiangin kohhran membrete thawktuten an tlawh ṭhìn.

Ṭawngṭaiin min pui rawh: Thla tinin ni 12 tûkah zíng ṭawngṭai inkhâwma kal ṭhìnten Cambodia ram tán min ṭawngṭaisak ṭhìn tih kan hria a. Tin, kohhran ṭawngṭai inkhâwmah te, chhúngkua leh

mi mal ṭawngṭainahte pawh min ngensak ṭhìn tih kan hria. Chu chu kan chakna, kan rawngbàwnain a mamawh êm êm chu a ni. Buddhist-ho hian sakhua an la run lo hle mai a. Chuvàng chuan ringtua siam an harsat phah niin a lang. Mahse, kan Pathian thu thu a ni.

Min ṭawngṭaipui zêl tûrin kan ngên che u a. Min ṭawngṭaipui thiam nân hêng ṭawngṭai thupuite hi han tár lang ila:

1) Cambodia ramah ringtu eng emaw zât an awm tawh a. Kohhran pawh tam tak a awm a; mahse, kohhran nghet ṭha tak (structured church) hmuh tûr an vág khawp mai. An Pathian thu hmuh dàn pawh he leia malsàwm dawnna (prosperity gospel) atán mai ni hian a lang. Thlarau bo veina pawh an nei lo nite hian an hmuh theih a ni. Ṭahnemngaihna

tak tak an lo neih theih nán Thlarau Thianghlim Harhna min dîlpui kan ngai.

2) Bethany Presbyterian Kohhran, Siem Reap-in hma a lo sâwn zêla, kohhran puitling tak an lo nih theih nân.

3) Chaom Chao vénga kan Synod in luahten an zavaia Lal Isua an neih vek theih nân missionary te rawngbàwna Pathianin min tihnunsak zêl tûrin.

4) Toul Kork vénga kan Dormitory (synod in luah) a rawn awm zirlaiten Lal Isua an lo neih theih nán.

5) Lalpan rawngbàwna min pêk belh zêl se tih hi kan dîlna leh min ṭawngṭaisakna ni baw k se.

Lalpan a kohhranhote rawngbàwna malsàwm zêl se; A ram chu tihzauhvin awm zêl rawh se. Amen.

Khawvêl pum puia Chanchin Ṭha hril tûra kan tlâkehham lian ber chu sum emaw, mihring emaw ni lovin, ṬAWNGṬAINA a ni.

LALPA KUT - TIDAMTU KUT CHU

*Biakhmingthangi Kiangte, HW
Hruiduk, HM North
Mobile No: 6909624238*



Ni 23 September, 2023 (Inrinni) zing duhawm tak chu a lo inher chhuak a. Inrinni zing a nih angin buai a na leh cher cher dawn tih a hriat a. Damlo tam vanglai a la ni a, mahni sekrek - insuk, in tihfai, etc. a ngai bawk nen, chhun dar 2:00-ah kan quarters-ah buhfaiham hralh chhuah hun a ni leh dawn bawk a, mawng vawm ba ang maia phet leh char char a ngai dawn tih a lang sa leh reng mai a.

Rin ang ngei ngeiin damlorawn kal zingah nau vei arawn tel ve ta tlat mai. Ka han check zung zung a, nau chu a la hla deuhvin a hriat a. A fa hmasa ber tur a ni bawk nen, na erawh a ti ngun tawh khawp mai. Tlai lam dar 3:00 hmaa a neih erawh ka ring tlat thung a, ka kal hlatsan a duh tawh lo va, zunram thiara ka chhuak zawk bak chu a bulah ka awm ta char char a. Neih a awlsam nan tiin tui lum nen ka zut reng a, a khathawk kin ka check reng bawk a.

Chutia nau chhar tura kan inpeih fel thlap tawh hnu, chawhnu dar khat vel a rik atang chuan na a ti tan ta hle

mai a. Ka han check chuan nau a hnai tan tih a lang ta a, clinic pawn lamah pawh thawm a tha ham ham tawh khawp mai. Naute hmél hmuh chak kawt lamah an insehmu tuau tuau tawh a; nau nei hi an lawmpuiin an ngaihsak tha thin hle a ni. Nau nei tur pawh hian pick up-in an rawn in-trip hial a ni.

Chutia nau chhar tura ka han inrin takah chuan nau nei tur pawhin san arawn pe tan ta a; mahse, san a pe na thei ta hauh lo. Amah ka han en Chiang a, a pumrua a lo te em em mai lo niin, tawng mawi lo ni lo se, feet 5 pawh a tling lo vang tih tur hi a lo ni a. A hi

ka inti thar ta êm êm mai a. *'Engati nge hospital-ah ka lo refer mai loh? Hetiang case - pumrua lah hetj, fa tir lo ni bawk si nèn,'* tiin ka inggaihtuah a. Naute leh a nu hi kan chán mai ang tih hlauhna in ka khat ta a. Hospital hnai ber, Marpara-ah lah thawktute training-in an chhuak deuh vek si. A hnai ber dawttu hospital pan tùrin a tlai tawh. Nau a vei na tawh, kawng lakah thil duhawm lo an tawng mai ang tih hlauhna in ka khat a ni.

Khaw lum nèn, ka thaw hi a sat hian a sa phat phat mai a. Syntocinon (nau neih awlsamna) lam eng mah ka lo nei lo nèn; nei pawh ni ila, awmzia a awm tampui ka ring chuang lo va. A pumrua in a têt êm avàngin a sang chhuak thei dáwnin a lang chuang lo. Amah ka han fuih a, amah lahin a hlauthâwng. Hlau lo tùr leh tha taka a neih tùr thuin ka han fuih bawk a. Nau tàwnna a la nasat loh avàngin ka la hliam lo va; ka mangang khânrawn táwn na lo mah se, ka hliam tawh ang tih kha ka

rilrûk a. Ṭawngka ka chhep sual hlauh mai a, ka ṭawng chhuak tih pawh inhre tawh lo khân, *"Ka zai tawh ang che,"* tin âwkâ ka lo chhuah ta hlauh mai pek a. A ûte, a chanchinrawn ngaihven dék déktute khân, *"Kan nurse-in a zai tawh dáwn,"* an lo ti a. Kawng lehlamah chuan min hmu sáng riau te leh keimahnia rinna an ngat nasa te kha a làwmawm ngawt mai.

Chutia buai taka kan awm lai chuan ka rilruin ka ṭawngṭai mawlh mawlh mai a. San a pêk that theih miao loh avàng leh a taksa khatiang kha a nih avàng khan rilruin ṭawngṭai mawlh mawlh mah ila, naute kha kan inchhan hmanin ka ring tawh lo va. A lú kha han khawih zuau zuau thei mah ila, pawh chhuah a rem si lo, a la nghet bur mai si.

Chutah ring zetin rilru pawh a ṭawngṭai tawh lovin 'Hnehna' ka han puangta piap mai a nih kha, ṭawngṭaina nèn. Ka han ṭawngṭai zo, tléma san arawn pêk ve det

lai (nau sang chhuak tùr khawp erawha san pe nasa a ni lo) khán ka kut chu Engkimtithēia kut chuan a rawn chelh ta a! Engtiangin nge nau kha ka chhara, engtin nge a lú ka pawh/lâk chhuah hi ka hrethiam tawh lo. Tûn hnua rilru fím taka ka ngaihtuah pawh hian khatih laia nau ka chhar/lâk chhuah dân kha ka hrethiam pha lo rêng rêng. Mahse, hei erawh chiang takin ka hria. Ka kut kha Lalpan a kutah a rawn chantír a, ka kutzungṭang te kha Ventouse (nau te hìp chhuahna hmanrua)-ah a rawn chantír a, chung lam thilhtihtheihna chuan a rawn hìp chhuak ta zâwk a ni!

Nau te lah a ṭha êm êm mai a. Tlai dár 2:30-ah chiah nau te hi neiin mipa fa, nausen duhawm tak, Kg 2.500 niin harsatna eng mah a nei lo va, a nu pawh hmun hnih bâkah chilh a ngai lo a ni.

Páwn lam lah thâwm a ṭha; kei erawh chuan Lalpa kut a chē a ni tih chiang takin

ka hria a. Kan han insingsak fel hnua h chuan làwm thu sawi ṭawngṭaina te kan hmang ta nghâl a.

Nau neite hi ringlo mi an ni a, ka nau chhar nu hi han en mai pawha pumraw tê a ni a. Mahse khâng zawng zawng kha Lalpa ropuzia lanna tùrin ka mit kha tihdelin a awm tlat mai a ni. Marpara lama ka ṭhian, medical lama thawk, amah lo hre chiang ve deuhtu chuan, “A pumrua a têt nèn, engtin nge normal-in a neihtir theih zâwk aw!” tih zawhna a lo nei a. Tu kuta tla pawh ni se, kei pawh hei hi ka zawhna ni ve tùr chu a ni. Nimahsela, mihring tih theih rual loh ti theitu kan nei hi kan vâneih-zia tilang chiangtu a ni.

Ani chu doctor-te Doctor, nurse-te Nurse, zirtirtute Zirtirtu, lalte Lal a ni si a. Ani chu *mangan laia ṭanpui vartu hnai reng* a ni. Kei zawng rethei leh pachhe tak ka ni a, nimahsela Lalpan mi ngaih-tuah ṭhìn. Lalpa chu fakin awm rawh se. Amen.



BHUBANESWAR-AH PRESBYTERIAN BIAK IN A DING

*Lalrawngbawla, Evangelist
Bhubaneswar, Odisha Field
Mobile No: 79606027341*



Odisha-a Australian Missionary Graham Staines-a te pafa thum kum 1999-a hàl hlum an nihna (martar-na) khân khawvêl a déng chhuak a. Chumi hnu kum 2008-ah Kandhamal District-ah nasa taka Kristian tihduhdahna lo chhuak lehin, ringtute chu hmun hrang hrangah an tlân darh a. Chu chuan Mizoram Kohhranhote rilruah pawh Odisha ram veina a tuh lian êm êm a. Chumi nghawng anga ngaih theih chuan SMB pawhin kum 2011 khân Moorshead Memorial Christian Hospital, G. Udayagiri, Kandhamal District-ah Missionary Doctor leh Staff Nurse-te rawngbàwlna bul ÷an tùrin a tír chhuak ta a. Kum 2010 Synod Inkhâwmpuiin ‘Odisha-a Mission Field hawn ni rawh se,’ tia a lo rèl angin, kum 2016-ah Odisha Mission Field chu hawn a lo ni ta a ni.

Odisha hi India ram State hrang hrang zínga State upa berte zínga mi niin, Sâpho hun lai 1936-ah daih tawh khân State nihna hi a lo nei tawh a. Kum 1967-ah sakhaw danga inleh khapna dàn (*Orissa Freedom of Religion Act, 1967*) chu a ram hian a lo *pass* tawh nghe nghe.

A ram neitu leh a ram hming put chhan ber chu Oriya an ni a. Oriya hnam hi hnam upa leh chanchin thui

tak nei an ni a. Hnam zaidam leh huaisen tak niin, British sawrkar laka hela, India ramin zalènna a hmuh theih nána do nasa êm emtute an ni. Odisha chhúnga tribal hnam hrang hrang zíngah chuan *Kui* hnamte hi a hnam mala lian ber an ni a. *Kui* hnamte hi 2001 chhiarpuih chuan nuai 15 vêl lai awm anga chhinchhiah a ni. Hêng *Kui* hnam te hi kan rawngbàwlna atána kan han bitum (*focus*) deuh bîk pawh an ni. *Odia*

hnam hi sakhaw mi tak an ni a, khawi hmunah pawh temple hmuh tûr a awm emaw tih mai tûr a ni. An State khawpui Bhubaneswar phei chu *City of Temples* tia hriat làr a ni nghe nghe. (*'Odisha' hi a hma chuan 'Orissa' tih thìn a ni a. Orissa a nih lai khán a mi chêngte leh an ÷awng hi 'Oriya' tiin an sawi a. Tûnah hian a mi chêngte leh an ÷awng hi 'Odia' tiin an sawi/ziak ta a. 'Oriya' tih pawh an la hmang reng bawk*).

Kum 2011 a ÷angin Odisha-ah hian Field hawng chuang lovin Missionary intirh belh hret hret a ni a. Thingtlang kilkhâwr leh inkalpawh harsatna hmun lamah rawngbàwlina hi kan nei deuh ber a. A remchan dàn ang zêlin thawktute kan indah a, hêng Missionary awmna ÷henkhat phei hi chu tûn thleng pawha *phone signal* awm lohna hmunte a la ni. Tûnah hian Odisha Mission Field-ah hian Missionary 34 kan bung mék a, pastor bial thum awmin, a ram mi Pastor

pakhat kan nei tel bawk a ni. Kum 2024 a ÷ang hian a ram mi Pro Pastor pakhat kan nei dáwn bawk a, hmasâwnna làwmawm tak a ni. Kohhran/ Fellowship hi 44 nei tawhin member 2,504 lai kan nei tawh a. Kohhranhote ÷awng-÷aipuina avàngin rawngbàwl-nain hma a sâwn chak hle a. Chutih lai erawh chuan Mission Field office kan neihna, a khawpui ber Bhubaneswar-ah erawh chuan inkhâwmna tûr Biak In leh kohhran pawh nei lovin kum 2016 thleng kha chuan mi Biak Inah te kan inkhâwm kual mai thìn a.

Kum 2017 kum tìrah Evangelist indah ÷anin, Pathian khawngaihna azárah inkhâwmna tûr Biak In te a lo ding ve ta mai a. He Biak In hmasa ber sak nán hian Aizawl Chanmari Presbyterian Kohhran Pavalaiin ÷anpuina min pe a, Cement block hmangin sak a lo ni ta a ni. Bhubaneswar-ah hian kohhran member te an lo pung ve zêl a, tûnah hian Fellowship pawh pali lai a lo ding ve ta a

ni. 2023 aṭangin thawktu missionary pahnih dah belhin Craft Centre pakhat hawn a lo ni ta bawk a.

Hetianga bul kan ṭanna, Nayapalli Kohhran-ah member te kan lo pun ve zêl avàng hian Biak Inah kan leng ta lo va. Kum 2022 kum tàwp lam khán Zarkawt Kohhranin Biak In thar sakna tùr sum an rawn thawh leh a. Hei bâkah hian NI. Gospel Lalrinkimi, Electric Veng (*Bac_Onboard, Millennium Centre neitu*) leh NI. Lalrinhlui, Kulikawn ten an mi mal ṭahnemngaihna avàngin sum an rawn thawh belh bawk a. Chu Biak In sak ṭhat chu ni 29.10.2023 khán hawn a lo ni ve ta a ni.

Tichuan 2017-a missionary chhúngkua leh hmeithai chhúngkaw nhihin ṭawngṭaina nèna inkhâwm bul an ṭan kha tûnah chuan Biak In pangngai tak lo dingin, member pawh 100 chuang zet an lo ni ve ta a ni. Hetianga Odisha khawpui Bhubaneswar-a Presbyterian Kohhran Biak In a lo ding thei ve ta hi

kan va lâwm êm! Hemi atána thilpêk petu leh min lo ṭawngṭaipui reng ṭhîntu, kohhranho chungah lâwm thu kan sawi a ni e.

Mizote hian Chanchin Ṭha hril kan ngai pawimawhin kan vei êm êm a. Odisha-ah hian Mizoram aṭanga kohhran leh pawl hrang hrang (Para Church) ten inlungrual takin rawng kan bawl ho va. Beràm inrûksak leh kohhran innèkna rawngkai ang chi rêng rêng nei lovin boruak nuam leh inpawh tláng takin rawng kan bawl ho va, Isua ke bula thlarau bote hruai tùra kan thawh hona hi Pathian malsâwmna kan dawn ropui tak a ni.

Hêng a hnuai a kan tàr lante hi tûna kan hriat theih china Mizoram aṭanga Odisha state-a Kohhran/Para Church, rawngbâwla awm mékte leh rawngbâwl ṭan kum a ni.

1. Isua Krista Kohhran Assembly - 2004)
2. Orissa for Christ (Love India Mission) - 2011

3. Synod Mission Board
- 2011 (2016-ah Field
puitlinga hawn niin, Odisha
Mission Field tia vuah a ni).

4. Friends of Odisha -
2012

5. Evangelical Church of
Maraland - 2012

6. United Pentecostal
Church N.E. - 2013

7. Lairam Isua Krista
Baptist Kohhran (LIKBK) -
2013

8. Mission Odisha - 2013

***“Hnam tin zingah a
ropuizia hril ula, Mi tinréngte
zingah a thil mak tih te chu
hril rawh u,”*** (Sam 96:3).
Amen.

MISSIONARY-TE TÁNA RAMTHAR LATUTE

*Kum 2023 atána lâksaktu, Ramthar December 2023
& January 2024 chhuaka tàr lan lohte.*

S.No	Petu Hming	Lâksak zât	Pêk zât
1.	Leitan Kohhran*	201	12,060
2.	Pu V. Rammawia, Serchhip Bethel	20	1,200
3.	Lily Veng North	10	600
4.	Pu Jasona Colney, Serchhip Bethel	6	360

*Leitan hi December 2023 chhuakah khán lâksak zât
20, pêk zât ₹ 1,200 tia tàr lan a ni a. Tihsual palhah ngaihdam
kan dí e.

Thenzawl Vengthlang Kohhran hian an Kohhran
chhúngkaw tin tán Ramthar a la a. Kuminah hian copy 176 an
la a; hei hi thil chhinchhiah tlâk tak a ni.

Tin, Missionary-te tána Ramthar latute chungah kan
lâwm êm êm a ni. Thil man sáng zêl avàngin Ramthar chhut
man a sáng zêl a. Kohhran, Pawl leh mi mal te thilpêk avàng
hian kan chanchin bu hi a kal chhunzawm thei a ni. - Editor

ANDHARCHERRA-A RINGTUTE TÁN I ẲAWNGẲAI ANG U

*Upa Sushil Kanti, Evangelist
Pecharthal, Tripura Field
Mobile No: 8132050778*



Andharcherra hi Pecharthal Veng pakhat niin, kan mission awmna Pecharthal aṅangin Km 4 báwr vêla hla a awm a ni. Andharcherra khua hi Unakati district chhúnga awmin In 1200 báwr vêl an awma khaw lian tak a ni. He khua hi Chakma hnam hlang awmna a ni a, Buddhist sakhua betute an ni.

Tûn hmain he khuaah hian Kristian an la awm ngai lo. Kristian an awm ṅanna hi ni 4 December, 2022 mai kha a la ni. He khuaa Kristian hmasa berte hi harsatna an neih vâng arawn inpe an ni a. Thi Ẳêpin a lo damlo va. Doctor, puithiam leh bàwlpú an entír a. An dam theih loh avàngin ẲawngẲai dam thei an pan a, chutah chuan damna an chang ta a. Nun thar neiin, an lâwm êm êm a ni.

Hemi hnu rei lo têah taksa chêtna an nei a, an hnampui veina an nei nghâl a. An thiam ang leh an theih angin Pathian thu an hril ve a. Pathianin a ûm zuiin, a pui zêl a. Damlo hrang hrangin an pan a, an ẲawngẲaina hmang-

in damlote an dam ve zêl a. Rei lo têah mi 60-70 lai Kristianah an inpe ta mai a. Pathian hming chu fakin awm rawh se.

Chutia hlim taka an awm lai chuan harsatna neuh neuh a lo awm ṅan a. Zanlaih kan Kristiante in chung chu lungin an vawm ṅhin a. Bàwlpúten dâwi (black magic) hmangin Kristian te an dáwi ṅhin a. Mahse, Thlarau Thianghlimin a awmpui tlat avàngin *black magic* hmanga bàwlpúten an dawí ṅhinna chuan anmahni-ah eng mah a thawk lo va, anmahni tiduhdahtute tán zâwk nasa takin an ẲawngẲai ṅhin a ni.

Vawi khat chu bàwlpú

thiam rual mi pali vèl inhmu khâwm hian Kristiante dawî ât an tum a. Mahse Pathianin hriat theihna a lo pe a, kan ringtuten an lo hre lâwk a. Tichuan, chûng bàwlpúte inahte an kal a, an thil tum chu an va hrih a. *“Min dàwi in tum a ni maw?”* an va ti a. Chutianga an va tih chuan mak an ti kher mai, *“Engtin nge in hriat? Eng ang dàwi hmangin nge inhriat theih a?”* an ti a. Kan ringtute chuan, *“Eng dàwi mah kan hmang lo. Pathianin hriat theihna min pe a, kan hre mai a ni,”* an ti a, mak an ti khawp mai. *“Chuvàngin, hetiang hian ti duh lo mai rawh u. Eng mah in ti thei chuang lo vang. Tin, keimahni in do lo va, Pathian zâwk a ni in do ni,”* an ti a. Tichuan an hawsan ta a ni.

Ni 8 May, 2023 khán kan ringtu fa kum 8 mi chu sikul a kal a; an drill/line up laiin sikul naupang pakhat chu a lo tlu tawp mai a. Hemi niah hian khua a lum khawp mai. Tichuan, kan ringtu hmeichhe naupang chuan a rilruah ‘*A lu chungah Bible nghat ila a dam*

mai ang,’ tia Bible nghan a tum lai takin an zirtirtu pakhat chuan a lo lâksak ta a, a nghat thei ta lo va. An zirtirtupa thinrim chuan a hau hrep a, Bible chu a hàsak ta nghâl a ni. Zirtirtute chuan kan ringtu fa chu an dem luai luai a, an hau va, *“Nangmah vâng veka thleng a ni,”* an ti a. Tichuan naupang kum 8 mi lek chu ÷ap chungin rilru na êm êmin a haw ta a ni.

In a thlen chuan a nu leh pa te chu an sikula thil thleng zawng zawng chu a hrih ta vek a. Ringtute thinrim zâwk tur kan nih laiin, khawtláng mite chu pung khâwmin kan ringtute chu an rawn dem luai luai a. *“Nangmahni vângin mi an thi a, nangmahni vângin natna hrang hrang leh harsatna namén lo a awm a,”* an rawn ti a, an buai khawp mai a. Kan ringtute inah lûtin tihluihnain an hla bu leh Bible-te an lâksak bawk a.

Kan ringtuten tihngaihna an hriat loh avàngin Pechar-thal-a Missionary awm mékte an phone a. Missionary senior

pahnih - Pu C. Lalronghaka leh Pu Satthanga Hnamte te an va kal a; mahse, mipuiin an kal an lo phal tlat lo. *"Haw nghâl rawh u. Engati nge in rawn kal ngawt? In buaina a ni lo. Hei chu kan khawtláng buaina a ni. Haw nghâl rawh u. A nih loh chuan in motor kan tihchhiatsak ang che u. Nangni pawh in nat hmam haw rawh u,"* an ti a. Kan Missionary kalte chu tihngaihna vak hre lo chuan an haw ta a ni.

Buaina a tàwp mai lo, a buai tulh tulh mai. Tripura police-te pawhin eng mah an ti thei chuang lo. Ni 12 May, 2023 dár 9:00-ah Panchayat hrang hrang pathum infin khâwmin kan ringtute chungthu chu an rél ta a. Hemi an meeting (Bichar)-naah keimahni lam atangin Rev. Lalnunsanga, Bialtu pastor; Upa Sushil Kanti, Andarchhera attach mék, Pecharthal Evangelist; Pu Joel Lalnunpêka, Balanoti Para, Missionary leh Pu Dharmajyoti Chakma, Silbari, Missionary te kan kal ve a.

A hma ang bawka min hnar haw an tum a. Mahse, kan awm lui a. *"Eng vângá buaina awm nge? Kan ringtute hi tihsual an nei em ni? Engati nge mi sual ber angin an chungthu te in relsak?"* kan ti a. Khawtláng hruaitute leh mipuite chuan, *"Kan sáwm lo che u, in awm thei lo vang. Eng mah kan hrih dáwn lo che u. Haw ula, in tán a him zâwk ang,"* min ti a. Min nem deuh sawk sawk a, thin a rim duh khawp mai.

Mahse insùm a ngai baw si a. Thil awmzia kan hriat hma chu kan haw duh lo va. A tàwpa tàwpah an khawtláng hruaitu (Chairman) chuan, *"Eng nge in hriat duh a?"* min ti hlauh a. Keini chuan, *"Ka pu, eng vângin nge kan ringtute hi mi sual ber angin an chungthu in relsak le? Eng nge a awmzia? Tihsual an nei em ni? An neih chuan sawi rawh u, an tihsual chuan ngaihdam kan dí ang che u. A ùl chuan in ke vuanin, a ùl chuan bawkkhup pawhin ngaihdam kan dí mai ang,"* kan ti a. Tin, *"Anmahni hi*

Kristian an nih tâk avàngin em ni? A lo nih hlauh chuan India Dànpui (Constitution) chuan Right to Religion a tih kha maw. Keini ai aia hre zâwk in nih kan ring. Chu chu a ni kan hriat châk chu,” tiin zawhna kan han nei ve a.

Chairman chuan, “*Kan hrilh ang che u, in hre duh bawk a. An chungthu khawtlágin a rèl a ngaih chhan chu sakhua vàng a ni lo va, anmahni Kristian an nih tâk vàng pawh a ni lo. An chungthu rèsak an ngaihna chhan chu natna an neih vàng a ni,”* an ti a. Keinin, “*Eng natna nge an lo neih a, kan va hre lo ve?”* kan ti a. “*An kut khur vak vak hi in hre lo em ni?”* an ti a. “*E, kha chu natna a ni hlei nem. Thlarau Thianghlim a nih kha. Natna a ni lo va; tin, eng mah hlauh tur a awm lo. Damna a thlen zâwk a ni,”* kan han ti a. Mahse an pawm duh lo. “*An natna an tihdam hma chu eng mah an ni thei lo. An chungthu rèsak an ngai. In sawi chu mipuiten an hrethiam lo. Anmahni avàngin khawtláng-*

ah harsatna awmah an ngai a; chuvàngin, an chungthu rèsak a ngai. Chuvàngin, haw ula, in ringtute chu kan khawih lo vang. Tin, resolution pawh kan hrilh leh vek ang che u,” min ti a. “*Chutia inkhawih dawn lohva, resolution min hrilh chuan kan lo haw ang e,”* kan ti a, kan haw ta a ni.

Tichuan heti hian kan Kristiante chungthu chu an rèsak ta a ni.

1. *Hnam sakhua an kalsan avàngin Samach (Khawtláng) ațanga hnawh chhuah tùr.*

2. *Kristiante inah tu mah lèn loh tùr. Dàn bawhchhia chu ₹ 30,000 chawitír an ni ang.*

3. *Kristiante hi eng hnaah mah chhawr loh tùr. Chhawr lui apiang ₹ 30,000 chawitír an ni ang.*

4. *Andharcherra khuaah an inkhâwm tùr a ni lo va, Biak In pawh an sa tùr a ni lo. An tih luih chuan Andharcherra khuaah an awm thei lo vang*

5. *Kristiante motor-ah tu mah chuan loh tùr. Dàn bawhchhia chu ₹ 30,000 chawitír an ni ang*

6. *Kristiante tán khawtlángah thil lei leh zawrh khap a ni. An tih luih chuan ₹ 30,000 chawitír an ni ang.*

7. *Chhiatni thatniah tu mah kal loh tùr; tin, tu mahin puih loh tùr a ni. Dàn bawhchhia chu ₹ 30,000 chawitír an ni ang.*

8. *Tûna sawrkar hna an thawh mékte pawh lâksak an ni ang.*

9. *Kristiante an lo thi a nih pawhin case file a ni lo vang (Buddhist-hoten an lo that a nih pawhin case a ni lo vang, tihna a ni)*

10. *Heng resolution hi Chakma khaw tinah thawn chhuah vek tùr a ni a, motor hmangin puan darh vek tùr.*

11. *Chakma Kristiante rêng rêng chu eng motor-ah mah chuantír loh tùr.*

Tûnah hian kan ringtute dinhmun hrehawm takin an awm a ni. An khawngaihthlâk

khawp mai. Tichuan, keini missionary leh pastora te hovin tih dàn kan ngaihtuah a. Field Secretary-in hma la vat vat tùra min tih angin keini lam pawhin Kohhran Committee leh Bial Standing Committee òuin hma lâk dàn tùr kan ngaihtuah ta a; mahse, tihngaihna vak kan hre bîk lo. FIR theh luh dáwn pawhin Pecharthal Police Station-ah Chakma an tam zâwk mai piah lamah hotu zâwk te Chakma an ni a, hma min lakpui lo ang tih kan hlauh avàngin. District Magistrate-ah chuan Bialtu Pastor hovin mi panga kan kal a, chuta District Magistrate, Unakati District-a awm mék pawh Chakma a ni a. Mahse kan kal ta tho va, thil awmzia engkim kan hrilh a, rin aiin min dawngsawng òha phian a. *“Khawtláng thil tih a ni a. Ti lo turin thupêk ka chhuah thei lo va. Mahse ka lo ngèn dáwn nia,”* tiin min thlah ta a ni.

Andharcherra-a ringtute tán i òawngòai ang u.



RAMTHAR FEH

1.

1. **Field hming** : Home Mission North
2. **Khua** : Bukvànnei
3. **Tlawh hun** : Ni 8-15.11.2023
4. **Tlawhtu** : Khawhai North Ramthar Committee
5. **Kal zât** : Mipa – 13; Hmeichhia – 3
6. **Tlawh chhan** : Vestry leh Reception Counter sak
7. **Sènso zât** : ₹ 67,000
8. **Làwmawm lam** : Ni 4.7.2023-a Ramthar Committee

chuan ‘Work Camp kal ni se,’ a ti a. A kalna tùr sum kan tuakna kawngah Kohhran mipuiin min phurpui êm êm a. Sum leh pai, thâ leh zung séngin mahni theihna zâwn theuhvah min pui nasa êm êm a, kan lâwm hle a ni.

Ni 8.11.2023 (Nilaini) zíng dár 6:00-ah Pastor quarters kawt aṭangin kan chhuak a. Bialtu Pastor, Lalzidingan ṭawngṭaiin min thlah a. Bukvànnei Kohhranhoten zanriah min lo buatsaihsak a, a làwmawm kan ti hle mai. Tin, Missionary, Pu Zoliana te chhúngkua leh Upa Lalrodinga ten min thuràwn reng a, an chungah pawh kan lâwm hle a ni.

Kan hnathawh hi Vestry sak leh Reception counter sak a ni a. Brick rem leh plaster bâkah, a chhuat cement-in kan chhûng bawk a, a chung rangva chih a ni bawk. Tin, ṭhutthleng pahnih leh dawhkan pakhat kan siam bawk a. Kan hnathawh chhúng zawnga intipalh awm miah lova min véngtu Pathian hnênah làwm thu kan sawi a ni.

Bukvànneiah hian kan Kohhran hi In 37 an ni a. Upa pahnih leh Tual Upa pakhat an awm a, Missionary Pu Zoliana a ṭhut chilh mék a ni. An kohhran hruaitu te leh mipui te tán báng lovin i ṭawngṭai zêl ang u.

Laldinsanga Hmar, Ramthar Ziaktu

2.

1. **Field Hming** : Home Mission North
2. **Khua** : Telkatta
3. **Tlawh Hun** : Ni 17-20.11.2023
4. **Tlawhtu** : Bawngkawn Brigade Kohhran
5. **Kal zât** : Mipa - 5; Hmeichhia - 15
6. **Tlawh chhan** : Thawktute tlawh chhuah
7. **Senso zât** : ₹ 138,535

8. Làwmawm Lam: Ni 17.11.2023 (Zirtawpni) zing dár 6:30-ah Upa R. Thanṭhuama a ṭawngṭai a. Bus-in Telkatta lam panin kan chhuak a, ruah súrin boruak a tinuam hle mai. Tlai dár 4:00-ah Winchester kan thleng a. Zanriah kan ei a, kan riak nghâl a, a hmun nghâktuten min lo duat thiam hle mai. Ṭawngṭai rualna hunte kan hmang a. Inrinni tûkṭhuan ei khamah Telkatta lam kan pan a. School-ah kan thleng a, thawktuten min lo dawngsawng ṭha hle a, kan lâwm hle mai. Zànah Biak Inah Upa Ngurhmingliana Sailo-in thu a sawi. Pathianni hian Kahrawt Pastor Bial chhúnga kohhran hrang hrang panga - Telkatta, Kahrawt, Tlangpui, Bethel leh Halampunji-ah te inṭhen darhin kan inkhâwm a, kan hlim tláng hle mai. Hetiang hian hun kan hmang: **Telkatta** (*Chawhnu Thu sawi: Pu Hrangzawna; Zàn: Upa H. Lalthianghlina*); **Kahrawt** (*Sunday School Ṭantu: Pi R. Lalremsiami; Sunday School Khai khâwmtu: Upa H. Lalthlengliana*); **Tlangpui** (*Sunday School Khai khâwmtu: Pu C. Lalhmingthanga; Chawhnu Sermon: Upa H. Lalthlengliana*); **Bethel** (*Chawhnu Ṭantu: Pi C. Lalnunziri; Thu sawitu: Pu Hrangzawna*); **Halampunji** (*Chawhma thu sawitu: Upa Ngurhmingliana Sailo*).

Pathianni zàn erawh chu Telkatta-ah kan vaiin kan inkhâwm vek a. Pathian faka Biak Ina zai ho a nuam êm êm mai a, lamtual khatin kan lam mup mup mai a. Pathian hnathawh a ropui kan ti hle.

9. Report ÷ùl dangte: Kan kohhran tlawhhote hnênah pawisa a ÷ùl anga an hman tùrin hetiang hian kan pe: Winchester - ₹ 10,000; Kahrawt - ₹ 10,000; Tlangpui - ₹ 10,000; Bethel - ₹ 10,000; Halampunji - ₹ 10,000; Telkatta - ₹ 30,000 (Telkatta hi kan inngahnate leh kan tihbuai zualte an nih avàngin kan pe tam deuh a ni)

10. Haw lam: Zing dár 6:30-ah Telkatta kan chhuahsan a, tlai dár 4:00-ah Aizawl kan thleng leh a. Kan chàm chhúngin harsatna eng mah kan tâwk lo va. Tluang tak leh dam taka Pathian vèнна avànga kan zin thei hi Pathian hnênah làwm thu kan sawi a ni.

Hrangzawna, Ramthar ziaktu

3.

1. **Field Hming** : Tripura Mission Field
2. **Bial Hming** : Manirampur Bial
3. **Tlawh hun** : Ni 15-18 November, 2023
4. **Tlawhtu** : Sihphir Venghlun Kohhran
5. **Kal zât** : Mipa - 5; Hmeichhia -2
6. **Tlawh chhan** : Pulpit, Maicham, Lectern, ÷hutthleng Siam
7. **Senso zât** : ₹ 55,755

8. Làwmawm lam: Kum 2023-a kan Project- Tuisama Biak In chhúng hungna siam chu Pathian zarah kan tihlawhtling thei a. Ni 15.11.2023 tlai dár 6:00-ah Biak In kawtah Upa H. Zartzoliana, Ramthar Committee Chairman-in ÷awng÷aiin min thlah liam a, a tûk chawhnu dár 1:00-ah kan tum ram tluang takin kan thleng.

Bialtu Pastor, Rev. F. Lalremruata leh a thawhpui ten min lo dawngsawngin làwm thu sawi ÷awng÷aina te a hman zawhin kan Kohhran member, Nl. H. Lalthanzami, Missionary Quarters, Tuisama-ah inngat tùrin kan pheih leh ta a ni. Kan bungrua te duan saa keng kan nih avàngin kan thlen ni hian siam fel zawh hman a ni.

Ni 17.11.2023 zingah Pathian Biak Inkhâwmah kan Team Leader, Upa V. Zonunsangan Pathian thuchah a sawi a, an kohhran lam aṭangin Special item ropui tak kan ngaithla ho bawk a ni.

Inkhâwm banah Kohhran pum huapin ruai kan buatsaih a, hlim takin kan kîl ho. Thawktute leh Kohhranho bula awm a nuamin, a hahdamthlâk hle a, hawsan mai pawh hrehawm kan ti hle. Haw dawnin kan riahna hmunah NI. H. Lalthanzamin ṭawngṭaiin min thlah a. Pastor Quarters-ah inthlahna hun tawi hmang lehin, Bialtu Pastor, thawktute leh rawngbawltute nèn inkhâwmpui ṭiak tawh lohna rama intâwk khâwm leh tùrin duhsakna chibai inbûkin kan inthlah liam ta a ni.

9. Tuisama Kohhran Chanchin: Branch Church nih kum: 2018; Kohhran member zât: 30; Dan zawh kim zât: 20; A mi chêngte: Debbarma

10. Report ṭûl dangte:

1) Kan chàm chhúngin Bialtu Pastor leh a thawhpuiten min dawngsawng ṭhain, an mi ngaihsaknaah làwmawm kan ti.

2) Ruah leh thlipui avàngin kan hun hman dàn tùr ruahmanna kan hmang vek thei lo erawh pawl kan ti hle.

3) Haw lamah thlipui leh ruah avàngin dawr inhawng a awm lo va; thing tlu avàngin ṭum hnih buaina kan tâwk chungin Pathian awmpuina leh venhimna a takin kan hmu a, làwmawm kan ti hle.

Thlipui leh ruah súr avànga ei tùr leina tùr dawr inhawng awm lova kan awm mék laiin Pu Lalramthlanmawia te chhúngkua, Zawlnuam-in zanriah min lo siamsak a. An inpêkna leh inphalnaah Lalpan a lêt tam takin malsàwm rawh se.

Pathian awmpuinain dam takin ni 18.11.2023 chawhnu dár 2:00-ah in kan thleng thei a ni.



PU K. LALCHHUANMAWMA (1963-2023) KAN CHÁN TA!

Pu K. Lalchhuanawma hi Pu K. Lianzinga (L) leh Pi Aithuami te fa 9 zínga pangana niin, ni 5 March, 1963 khán Sambha, Himachal Pradesh-ah a piang a. A pa hi sipai a nih avàngin India ram hmun hrang hrangah an awm kual òhìn. Kum 1985-ah Mizoramah lo chhovin, chhúngkuain Vairengteah an inbengbel ta a ni.

Kum 1981-ah Pi Zohmingliani nen an innei a, fa pathum an nei. Kum 1986-ah a nupui leh a fate nèn Chhingchhip lamah chhovin an indang ve a. Heta an awm lai hian piantharna changin, Pathian pàwlina leh kohna nasa tak a dawng a; a hnathawhpui hnam dangho hnênah a thiam ang tâwk tâwkin Pathian thu a sawi òhìn.

Sawrkar hna - Army, Mizoram Police leh Hindi Teacher te dîlin, a hmu vek a. Mahse a rilru a thi thei lo, Pathian rawngbáwl tùrin kum 1988 khán Vairengte Chhimveng Kohhran ațanga Missionary hmasa ber ni tùrin ke a pên chuak ve ta a ni.

Missionary hna a thawh chhúng (1.2.1988-30.12.2023)-in hêng hmunahte hian a awm a ni: Evangelist Teacher-in Cachar Tlangram (Baruatilla & Winchester) leh Home Mission South (Zawlpui & Tlabung)-ah; Evangelist-in Siliguri leh Assam (Tezpur)-ah; Gorkha Gospel Team Leader-in Masihi Sangati (Aizawl)-ah te.

Pu K. Lalchhuanawma hi mi zaidam leh rawngbàwlina mi inpe tak, theih tâwp chhuah òhìn mi, thil dang zawng aia Pathian leh a rawngbàwlina dah pawimawh tlat òhìn mi, hun puma Pathian rawngbáwl tùra inpe, mi tum ruh leh taima êm êm, huaisen, rilru zau tak pu mi, thawh hlâwk tak leh òawngtài uar tak a ni. Òawng chi hrang hrang pakua lai a thiam a, a rawngbàwlinaah a hmang òangkai hle. Rual pàwl thiam leh òhian siam thiam tak, òhian ngaina tak a ni a, a rawngbàwlina hmun apiangah mite ngainat a hlawh òhìn. Pa hlim thei tak, fiamthu duh leh thiam tak a nih avàng hian a rawngbàwlpui te leh a thawhna hmuna chêngte pawhin an ngaina êm êm òhìn.

Pa fing leh rem hre tak, kut themthiam tak niin, a awmna hmun apiangah mi dangte tána òangkaina ngah leh pa ràwn hlawh ve tak a ni. Mi thil phal tak niin mi dangte hriatthiamna a ngah

êm êm a, mi thil pèk leh òanpui a uarin, nuam a ti hle. Mi dangte hui khâwm te, a thil tihna apianga a rawngbàwlna leh Pathian dah pawimawh hmasa ber òhìn mi a ni.

Chhúngkaw inkawmngaih tak niin, a nupui fanaute duatin a ngaihsak òhìn hle. An nupa an inhmangaih êm êm a, òhian dang ngai lova inzui chawt òhìn an ni a. A nupui fanaute tán a inpe zo êm êm, chhúngkaw pa nih tlin tak a ni. Pathian thu te sawiin a tì tìpui òhìn a, eng hunah pawh Pathian hre reng tùra fuih òhìnin, eng pawh lo thleng se Pathiana innghata, Pathian beisei tlat tùrin a hrilh òhìn a ni.

June thla 2023 khán Champhai leh Khawzawlah an team-in rawng an bawl laiin khawsikin a tlun vak mai a. Damdawite eiin a dam ve leh mai a. An haw hnuah Aizawl khaw chhúngah rawngbàwlna nei chhonzawm lehin, a kárah pum nuam lo a nei ta zeuh zeuh va. Greenwood Hospital Aizawlah a in-check-up a. Test hrang hrangte tiin, 'ril chak lo' tiin damdawi an lo chawh a; rawngbàwlna a chhonzawm reng a. Ziaawm lam a pan theih loh avàngin ni 3.7.2023-ah Synod Hospital, Durtlangah inentír lehin, test hrang hrangte an tih hnuah ni 10.3.2023-ah 'Tai (Pile) cancer' a ni tih hriat chhuah a lo ni ta a ni.

Chhúngkua leh hotute nen inráwn tlángin ni 21.7.2023 khán Vellore-ah inentírin, chemo vawi 4 khai an lo chawh a. A vawi khatna chu Vellore-ah khaiin, Aizawla khai chhonzawm tùrin an rawn haw cho va, Cycle khat an khai zawh hnuah Vellore-ah in-check-up lehin, doctor-te duh thu la sàm loh avàngin chemo vawi ruk dang la leh tùrin an lo ti a. Mizoramah rawn haw lehin, a vawi thumna a khai zawh hnu aṅangin a taksa a chak lo zual a. Hrawk ná te neiin, thil tuiril bâk a ei thei ta meuh lo va. Ni 29.12.2023 zànah a chauh zual avàngin a tûk zíng lam dár 4:30-ah Greenwood Hospital panpuiin, ICU-ah dah luh nghâl a ni a. Tichuan, ni 30.12.2023 zíng dár 5:45 khán Krista bâwih ṭha leh rinawm tak chuan a pu làwmnaa lût tùrin min lo kalsan ta a ni.

A ruang hi Vairengteah phurh thlák a ni a. Ni 31.12.2023-ah Vairengte Chhimveng Bialtu Pastor, Rev. P.C. Malsawm-tluangan a vui a, Kohranhoten ui takin an thlah liam ta a ni.

“A mi thianghlimte thihna chu LALPA ngaih chuan hlu tak a ni.”



MEMBER THAR 2023

	Field	Hawn Kum	Jan-Dec 2023
I. HOME MISSION			
1	Home Mission North	1949	60
2	Home Mission South	1987	65
3	Caohar Tiangram	2023	
II. NORTH EAST REGION			
1	Arunachal 'E'	1991	92
2	Arunachal 'N'	2016	84
3	Arunachal 'W'	2001	112
4	Assam	2008	72
5	Barak Area	1975	127
6	Karbi Anglong	1989	181
7	Tripura	1986	1004
III. CENTRAL REGION			
1	Delhi	1988	174
2	Jharkhand	2008	600
3	Calcutta	1998	1143
4	Lucknow	1999	80
5	Nepal	2000	195
6	Odisha	2016	108
7	Patna	1999	237
8	Siliguri	1988	129
IV. FIELD PUITLING LO, HMA LÄKNA LIAN			
1	Masihi Sangati	1979	5646
2	Cambodia	2010	13
BELH KHAWM			10100

RAMTHAR MAN PÈK DÁN



Bank Transfer hmanga pe duh tán a hnuai
Account Number tár lanah hian a pèk theih bawk e.

Account Holder : SYNOD RAMTHAR
Account No : 10665621086
IFSC : SBIN0007058
Bank : State Bank of India
Branch : Mission Veng

Ramthar man pete chuan an pèk veleh
WhatsApp No. **8974694225**-ah inhriattfir ni se.

**KRISTA PASALṬHA
PU K. LALCHHUANAWMA
(1963-2023)**

Pu K. Lalchhuanawma hi mi zaidam leh rawngbàwlnaa mi inpe tak, theih tâwp chhuah ṭhìn mi, thil dang zawng aia Pathian leh a rawngbàwlna dah pawimawh tlat ṭhìn mi, hun puma Pathian rawngbàwl tura inpe, mi tum ruh leh taima êm êm, huaisen, rilru zau tak pu mi, thawh hlâwk tak leh ṭawngṭai uar tak a ni. Ṭawng chi hrang hrang pakua lai a thiam a, a rawngbàwlnaah a hmang ṭangkai hle. Rual pàwl thiam leh ṭhian siam thiam tak, ṭhian ngaina tak a ni a, a rawngbàwlna hmun apiangah mite ngainat a hlawh ṭhìn. Pa hlim thei tak, fiamthu duh leh thiam tak a nih avàng hian a rawngbàwlpui te leh a thawhna hmuna chêngte pawhin an ngaina êm êm ṭhìn.



MASIHI SANGATI EVANGELIST THARTE

Tiar 1-na (Vei lam aṭangin)

1. Esther Dha Maya - Lengpui Bial
2. Lalbiakchami - Vairengte Chhimveng Bial
3. Nancy Lalhmingmwii - Leitan Bial
4. Hmangaihsangi - Reiek Bial
5. Susma Thapa - Chemphai

Tiar 2-na (Vei lam aṭangin)

1. Lalmuanpuia - Zuangtui (kawl)
2. Shiva Rabi Das - Lunglei Gospel Team
3. K. Lalrinzuala - Lengpui Bial
4. Lalruatfela - Gorkha Gospel Team
5. Khaia - Tlungvel
6. R. Lalmuanpuia - Hindi Bible School
7. Rishab Das - Synod Gospel Team

If not delivered please return to:
The Manager
Ramthar Chanchinbu
Synod Office, Aizawl, Mizoram
India. Pin-796001

To,

